



Mountainviewrylaan 17
Ridgeworth
Bellville


021 919 6237

www.uitsigkleuterskool.co.za



INLIGTINGSTUK

2023





KOMMUNIKASIE

Die kommunikasieboek by die kantoor van die sekretaressie is vir ouers se gebruik.

Indien u nie die betrokke klastannie sien wanneer u u kleuter kom aflaai nie, maak gerus gebruik van die **kommunikasieboek** eerder as om 'n boodskap by een van die ander personeel te los. Sodoende verseker ons dat die boodskap wel by die regte persoon uitkom.

Vir enige navrae, kontak asseblief vir:

Ilze Perry
Bestuurshoof
bestuurshoof@uitsigkleuterskool.co.za

Madeleine Schutzler
Sekretaressie
admin@uitsigkleuterskool.co.za

Tel: 021 919 6237



Baie welkom by Uitsig Kleuterskool!

Ons is 'n Christen kleuterskool en word volgens Christelike beginsels bedryf. Dit is vir ons 'n voorreg om deel te hê aan elke kleuter se opvoeding en versorging, sodat ouers hul dagtaak kan aanpak met die wete dat hul kleuters in goeie hande is.

ALGEMEEN

- ♦ Ons neem babas vanaf 3 maande en kleuters tot 5 jaar in.
- ♦ Graad R is die jaar waarin u kleuter 6 jaar oud word, en aangesien ons nie Graad R aanbied nie moet u kleuter gedurende die 4-5 jaar ingeskryf word by 'n skool wat wel die voorskoolse jaar aanbied.
- ♦ Die taalmedium waarin ons klasse aangebied word is Afrikaans.
- ♦ Die kleuterskool is vanaf Maandag tot Vrydag oop tussen 06:30 en 18:00. Dit sluit ook skoolvakansies in.
- ♦ Die kleuterskool sal tydens publieke vakansiedae gesluit wees.
- ♦ Ons sluit vir die Kersvakansie vanaf middel Desember en open weer die tweede week in Januarie.



AANSOEKE & PLASINGS

Voltooi asseblief die inskrywingsvorm volledig en heg die volgende dokumente aan:

(Let asseblief daarop dat aansoeke nie aanvaar sal word sonder die nodige dokumentasie nie)

- ♦ Afskrif van u kleuter se geboortesertifikaat.
- ♦ Afskrif van kliniekkarta.
- ♦ Afskrifte van beide ouers se identiteitsboekies of -kaarte.

PLASINGSKRITERIA:

Voorkeur sal gegee word aan die volgende:

- ♦ Kleuters met boeties of sussies wat tans in Uitsig Kleuterskool is, of voorheen by Uitsig Kleuterskool was.
- ♦ Lidmate van Bellville-Uitsig Gemeente.

Aansoeke wat aan een of meer van bogenoemde kriteria voldoen, sal geplaas word in volgorde waarin aansoeke ontvang is. Aansoeke wat aan geen van bogenoemde kriteria voldoen nie, sal geplaas word indien daar nog plek beskikbaar is.

Aansoeke vir 2024 sluit 31 Julie 2024

KLASINDELINGS

Klasse word jaarliks oor ingedeel. Uitsig Kleuterskool reserveer die reg om klasindelings te doen in oorleg met huidige personeel en met inagneming van kleuters se persoonlikheid en behoeftes. **Geen insette van ouers sal klasindelings beïnvloed nie.**

DAGPROGRAM

06:30 - 08:00	Aankoms en vryspel in gesamentlike lokaal
08:00 - 08:30	Ontbyt
08:30 - 09:00	Toiletroetine. Vryspel binne of buite.
09:00 - 09:45	Oggendkring. Bid en bybelliedjies sing. Hoofaktiwiteit van die dag. (Stimulering en ontwikkeling dmv verwerk, knip, plak, vou, teken, ens.)
09:45 - 10:00	Toiletroetine
10:00 - 10:30	Kosblikkie-tyd
10:30 - 11:45	Vryspel binne of buite
11:45 - 12:00	Handjies was en storietyd
12:00 - 12:15	Middagete
12:15 - 12:30	Toiletroetine
12:30	Halfdag kleuters gaan huis toe
12:30 - 14:00	Middagslapie—ouderdomstoepaslik
14:00 - 14:15	Toiletroetine
14:15 - 14:30	Peuselhappie en opruim van slaapklasse
14:30	Afhaal van voldag kleuters slegs vanaf 14:30
14:30 - 18:00	Vryspel binne of buite

KLASBENODIGHEDE

	Kwartaalliks	Jaarliks
Babas - 2 jr	Eie Wipes & boudjie saif Eie doeke 1 x sneesdoekies 1 x handdoekrol	2 x staanaard 'cot' lakens
2 - 3 jr	2 x pak sneesdoekies 2 x handdoekrol 5 x 'wet wipes'	2 X A3 plastiek koeverte (Waltons) 1 Steadler Norris Super Jumbo vetkryte
3 - 4 jr	1 x pak sneesdoekies 2 x handdoekrol 1 x 'wet wipes'	2 X A3 plastiek koeverte (Waltons) 1 X Alcolin bottel koue lym (250ml) 2 X groot Pritt stafie
4 - 5 jr	1 x pak sneesdoekies 2 x handdoekrol 1 X "wet wipes"	1 X Steadler Norris Super Jumbo vetkryte 1 X BIC 'triangle' potloodkryte

SKOOLFOOIE

REGISTRASIEFOOI: R1 000

Die volle bedrag is betaalbaar by plasing en aanvaarding van nuwe kleuters. Die helfte van die bedrag sal as deposito beskou word en afgetrek word van die eerste maand (Januarie) se skoolfooi. In die geval van kansellasië word GEEN terugbetaling gedoen nie.

SKOOLFOOIE 2023:

Halfdag: 06:30 - 12:30 R2 300

Voldag: 06:30 - 18:00 R3 050

Babas voldag: 06:30 - 18:00 R3 650 (slegs voldag opsie)

- ♦ Fooie is vooruitbetaalbaar **voor** of **op** die **6de** van elke maand.
- ♦ U sal 'n maandelikse rekeningstaat per e-pos ontvang.
- ♦ Neem asseblief kennis dat tariëwe betaalbaar is oor **11 maande**, vanaf 1 Januarie tot en met 1 November.
- ♦ **'n Kalendermaand skriftelike kennisgewing sal vereis word indien u kleuter die skool verlaat.**
- ♦ Fooie moet per EFT betaal word.
- ♦ Bewys van betaling per e-pos na: admin@uitsigkleuterskool.co.za
- ♦ Indien skoolgelde nie aan die einde van elke kwartaal op datum betaal is, of alternatiewe reëlings getref is nie, sal u kleuter onder geen omstandighede die daaropvolgende kwartaal die kleuterskool kan bywoon nie.
- ♦ Agterstallige fooie sal opgevolg word en afbetalings ooreen-

komste sal in plek gestel word indien reëlings getref word.



BANKBESONDERHEDE:

Rekeninghouer: NGK Bellville-Uitsig
Bank: ABSA
Tipe rekening: Tjek
Rekeningnommer: 1450580909
Verwysing: **Familiekode** wat voorsien sal word sodra 'n plekkie aan kleuter toegeken word.

NB: GEEN kontant mag aan personeel oorhandig word of in u kleuter se tassie geplaas word nie. Gebruik asb die rooi posbus regs van die kantoor se venster.

DISSIPLINE

Dissipline is gerig op die kweek van gehoorsaamheid by kleuters en is van kardinale belang binne die gestruktureerde skoolopset. Toepassing van dissipline geskied op 'n positiewe en nie-afbrekende manier.



SPEELGOED:

Let asseblief daarop dat dit die kleuterskool se beleid is dat geen persoonlike speelgoed gebring mag word nie. Dit veroorsaak negatiewe gedrag onder kleuters en ons kan nie verantwoordelik gehou word vir enige verlore of stukkende speelgoed nie. Die dra van superhero kostuums en fantasieklere word beperk tot Vrydae.

DAAGLIKS:

Babas: daar sal afsonderlik met ouers gekommunikeer word.

Kleuters:

- Duidelik gemerkte kussing, kombes en klein paslaken vir slaapdoeleindes in die middag. 'n Matras word deur die skool verskaf.
- Gemaklike, ou klere, wat maar mag vuil word vir lekker speel en beweeg.
- **NB:** 'n Tassie of rugsak met 'n **ekstra stel** of twee gemerkte klere; 'n warm of koeler hempie (n.a.v. seisoen) en 'n plastieksak.
- 'n Gesonde kospakkie en iets om te drink vir 10:00.
- 'n Ou T-hemp van pappa of voorskoot vir verwerk. Die kleuter moet verkieslik self die Themp/voorskoot kan aan- en uittrek.



VEILIGHEID EN SEKURITEIT

Die oplaai- en aflaaipunt is die hoofingang. Kleuters mag slegs deur hul ouers afgehaal word. Indien iemand anders u kleuter kom haal, moet dit asb per Whatsapp of telefonies met die skool gereel word sodat alle personeel kennis kan neem. Sou dit nie aangeteken wees nie, sal ons u eers skakel om te bevestig. Geen laerskoolkinders mag kleuters kom afhaal nie.

Indien u kleuter afwesig is, sal ons dit waardeer indien u ons in kennis sal stel.

NB: Ouers moet te alle tye stadig ry in die parkeerarea. Let wel geen parkering hoegenaamd voor die motorhuis (waar die geel-strepe getrek is en waar geen parkering tekens aangebring is nie.)

KENNISNAME

Let asseblief daarop dat **ALLE** persoonlike besittings (klere, skoene, komberse, bottels, kosblikkies en enige ander artikel wat aan u kleuter behoort) **DUIDELIK** gemerk moet wees. Alle weggooioeke moet individueel gemerk wees met u kind se naam.

Alle persoonlike besittings wat nie gemerk is nie en verlore raak, sal in die 'verlore' kas gestoor word vir die kwartaal. Dit bly die ouers se verantwoordelikheid om te soek vir ongemerkte verlore goedere. Goedere wat aan die einde van die kwartaal nie opgeeis is nie, sal aan 'n behoeftige instansie geskenk word weens die gebrek aan langtermyn stoorplek.



MAALTYE

Babas:

- ◆ Ouers voorsien alle melk en eerste kossies & peuselhappies tot baba saam met die kleuters kan eet.

Kleuters: Maaltye word voorsien en sluit die volgende in:

- ◆ Ontbyt (**slegs tot 08:30**)
- ◆ Middagete
- ◆ Peuselhappie en iets om te drink
- ◆ U pak 'n kosblikkie met gesonde happies, asook iets om te drink vir u kleuter wat genuttig word rondom 10:00 soggens. Ons is nie voorskriftelik nie, maar moedig gesonde kospakkies aan.
- ◆ Die volledige spyskaart sal weekliks by die aansteekbord aangebring word.
- ◆ Bring asseblief enige voedsel-intoleransies of allergieë onder ons aandag.





BESERINGS EN SIEKTES

- ♦ Alle beserings word in 'n ongevalle boek aangeteken.
- ♦ In geval van nie-ernstige beserings word beserings by die skool behandel en ouers word ingelig wanneer hulle die kleuter kom haal.
- ♦ Beserings waar mediese sorg benodig word, word ouers onmiddelik geskakel en gevra om die kleuter te neem vir mediese behandeling.
- ♦ In ernstige gevalle word ouers dadelik gekontak en met hul toestemming word mediese personeel ontbied.
- ♦ Siek kleuters moet asseblief tuis aansterk om sodoende verspreiding van bakterieë en virusse te voorkom. **(Sien siekte beleid)**
- ♦ Kleuters met kopluse moet tuis gehou word totdat daar GEEN luse of nete meer in die hare sigbaar is nie.

MEDIKASIE

Geen medikasie mag in u kleuter se tas gelos word nie. Plaas dit asseblief in die medisynekas en voltooi die medisyneboek – naam van kleuter, klas, dosering en toediengstyd. Geen medikasie sal toegedien word indien dit nie aangeteken is nie. Die verantwoordelikheid berus by u om dit weer in die middag uit te haal en saam te neem huis toe.

Notas sal gemaak word in die medisyneboek, waar nodig. Beperk asseblief “oor-die-toonbank”-medikasie tot 'n minimum. Vitamiene en aanvullings moet asseblief tuis toegedien word.

Indien u kleuter siek voel of koorsig is, sal u geskakel word.



KINDER SIEKTE BELEID

In die volgende gevalle vereis ons beleid dat kleuters by die skool gehaal word en ten minste 24 uur tuis bly voordat hy/sy simptome na Uitsig Kleuterskool terugkeer:

- ♦ Indien u kind se temperatuur 37.5 grade of hoër is
- ♦ Braking en/of 2 los stoelgange (ook in geval van tandekry aangesien ons nie die risiko mag loop dat dit moontlik iets aknders kan wees nie)
- ♦ Onverklaarbare veluitslag/kolle/ringwurm

Hou asb u kleuter tuis in die volgende gevalle:

- ♦ Indien hy/sy verkoue simptome het, 'n diep brongiale hoes en seer keel het.
- ♦ Indien hy/sy 'n erge loopneus het wat groen/geel is, asook 'n ooginfeksie.
- ♦ In geval van die toediening van medikasie wat kleuters lomerig of huilerig maak.
- ♦ Wanneer u kleuter sy/haar reuksin/smaak verloor.
- ♦ Indien u kleuter op 'n kursus antibiotika geplaas is, moet 48 uur verloop sedert die begin daarvan voordat die kleuter kan terugkeer skool toe.
- ♦ Indien u kleuter enige oordraagbare siekte het.
- ♦ Kopluse

Vir u kind se veiligheid vereis ons dat ouers die skoolhoof skriftelik in kennis stel van enige allergie of mediese toestand wat u kind het of ontwikkel. Dit sal ons in staat stel om die nodige inligting behoorlik aan te teken en aan die nodige personeel te versprei.

Ons moet vereistes stel om die gesondheid en veiligheid van alle kleuters en personeel in die skool te verseker.